



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ԱԶԳ. ԱՌԱՋՆՈՐԴԱՐԱՆԻ ԸՆՏԱՆԻՔԸ ԲՈՒՆ ԲԱՐԵԿԵՆՂԱՆԸ
ՏՕՆԵՑ ՏՈՐՄԻԿ ԵՒ ԽԱՆԴԱՎԱՌ ՄԹՆՈԼՈՐՏԻ ՄԷՋ

Բուն Բարեկենդանը Հայց. Առաքելական Եկեղեցւոյ տօնացոյցին մէջ, ու հայ ժողովուրդի ազգային եկեղեցական կեանքէն ներս, իւրայատուկ տօն մըն է եւ կը նշուի Մեծ Պահոց նախօրեակին:

Արեւմտեան մեր Թեմի տարիներու աւանդութեան համաձայն, այս տարի եւս, Բուն Բարեկենդանի տօնին առիթով կազմակերպուած էր խրախճանական ձեռնարկ մը, հովանաւորութեամբ եւ ներկայութեամբ Առաջնորդ Սրբազան Հօր՝ Բարձր. Տ. Մուշեղ Արք. Մարտիրոսեանի եւ կազմակերպութեամբ Ազգ. Առաջնորդարանի Կիրակնօրեայ Դպրոցներու Վարիչ Մարմին եւ Ծնողական Յանձնախումբին:

Խրախճանական բնոյթով ձեռնարկը տեղի ունեցաւ Կիրակի, 3 Փետրուար 2008ին, Կլենտէյլի Ս. Աստուածածին եկեղեցւոյ «Արմենակ Տեր Պետրոսեան» սրահին մէջ: Մասնակից եղան աւելի քան 400 հանդիսականներ:

Օրուան պատգամաբերն էր Ազգ. Ալեք Փիլիպոս վարժարանի դաստիարակ ուսուցչուհի՝ Սօնա Մատարեանը, անմիջական ու կենդանի հաղորդականութեամբ փոխանցեց Բարեկենդանի տօնին իմաստը, նշելով բարեկենդանական տօնին առնչուած ժողովրդային տօնախմբութիւններն ու ազգային տոհմիկ սովորութիւնները: Բարեկենդանը ըսաւ, յարգելի բանախօսուիին, *«բարին, կենդանութիւնը եւ կեանքը աւետելու, Աստուծոյ բարիքները ազատօրէն վայելելու, ուրախութեամբ նորոգեալ կեանքը երախտապարտութեամբ դիմաւորել է: Բարեկենդանը մեզի կը վերյիշեցնէ նախամարդու սկզբնական ազատութիւններն ու վայելքները, միաժամանակ կը շեշտուի ազատօրէն արտայայտուելու եւ իշխող կրօնական թէ քաղաքական հեղինակութիւնները քննադատելու ոգին»:*

Գեղարուեստական յայտագրի ընթացքին տաղանդաշատ բանաստեղծ եւ հաւատաւոր հայորդի Ժագ Ս. Յակոբեան, հանդէս եկաւ բարեկենդանեան խոհերով եւ Վարդանանց հաւատամարտին նուիրուած բանաստեղծական հատուածներու ընթերցումներով: Ս. Նահատակաց, Ս. Կարապետ, Ս. Աստուածածին, Ս. Սարգիս եւ Լա Զրեսենթա Հովիտի Հայց. Առաք. եկեղեցիներու կիրակնօրեայ դպրոցներու աշակերտներ հանդէս եկան սաղմոս-աղօթքներով, եւ Բարեկենդանեան երգերով, արտասանութիւններով, խմբերգներով եւ «կենդանիներու ժողով» կենդանական պատկերի ներկայացումով:

Այնուհետեւ, հանդիսավարը հրաւիրեց Առաջնորդ Սրբազանը, որպէսզի ուղղէ իր պատգամը: Սրբազան Հայրը վեր առաւ Բարեկենդանի

հոգեւոր իմաստը, շեշտելով մարդուն մէջ աստուածային պատկերին անաղարտ պահպանութիւնը, ինչպէս նաեւ յիշեցնելով, թէ *«ազատութիւնը պէտք է չարաշահել կամ շփոթել սանսարձակութեան եւ անօրինութեան հետ, որ մարդս մարդկային իր արժանիքներէն կը պար»*: Վերջապէս, Սրբազանը իր խօսքը եզրակացուց ըսելով. *«Բարեկենդանը վերապրեցնելով նախամարդու դրախտային վիճակը՝ մարդուն կը յիշեցնէ իր առաքելութիւնն ու կոչումը, այս աշխարհի վրայ երկրաւոր իր դրախտը ստեղծելու»*:

Ապա Առաջնորդ Սրբազանը մաղթեց, որ յառաջիկայ շաբաթներուն պահեցողութեան դիմող հաւատացեալներուն ուխտը ընդունելի ըլլայ Աստուծոյ մօտ:

Ընտանեկան տոհմիկ ու մտերմիկ մթնոլորտ վայելելէ ետք, ներկաները տուն վերադարձան հայկական աւանդական տօնախմբութեան մը մասնակցած ըլլալու հոգեկան գոհունակութեամբ:

Մ.Ծ.Վ.Ա.

CELEBRATION OF PAREGENTAN

On Sunday, February 3rd, a family celebration of Paregentan took place at the “Armenak Der Bedrossian” Hall of St. Mary’s Church with over 400 guests in attendance. The celebration was held under the auspices of the Prelate and was organized by the Prelacy Sunday Schools’ directorate and PTO committee.

The keynote speaker was Rose and Alex Pilibos School teacher Mrs. Sona Madarian who spoke of the meaning of Paregentan and the traditions associated with the feast.

Among the participants in the artistic program were poet Jacques Hagopian who recited passages of poetry inspired by the Feast of Vartanants, and Sunday School students who performed songs and recitations.

In his closing remarks the Prelate commended the efforts of all the committees who faithfully support the endeavors of our Sunday Schools and contribute to their advancement, among them the Christian Education Department, Sunday Schools’ directorate Chair Mr. Hagop Tchagasspanian and members, Parent Committee members, Pastors, and Boards of Trustees.